

Powšitkowne WOZJEWJENJA

njedźelu, 18. nowembra 2012

150 lět TCM a Katolski Posoł

Składnostnje 150. róčnicy založenja Towarstwa Cyrila a Metoda z.t. (TCM) budže štwórtk, 13. decembra, džakne swjedženske zarjadowanje w Budyšinje. Wšitcy wěriwi su wutrobnje na swjedžensku Božu mšu we 18.30 hodź. do tachantskeje cyrkwy swjateho Pětra přeprašeni.

Towarstwo swjateju Cyrila a Metoda bu 13. decembra 1862 w Budyšinje k spěchowanju nabožnosće a narodnosće mjez katolskimi Serbami založene. Z tutym zaměrom wuchadźa wot januara 1863 časopis Katolski Posoł (KP).

Nimo tuteje džakneje Božeje mše su k jubilejomaj klětu dalše zarjadowanja planowane: sobotu, 23. februara, počesćenje wótčincow na Mikławšku w Budyšinje a swjedženska akademija w Budyskim Serbskim muzeju; sobotu a njedźelu, 13. a 14. apryla, předstajenje noweho oratorija „Serbske jutry“ w Chrósćicach; njedźelu, 16. junija, towarstwowy swjedžeń w Baćonju; spočatk julija putnikowanje na Morawu; njedźelu, 1. septembra, nyšpor a džakne zarjadowanje we Worklecach. Cyłkowny plan je w interneće pod www.posol.de wozjewjeny.

J. Špitank, předsyda TCM a farar G. Warnar, šefredaktor KP

TCM – „Łužica pomha“ prosy wo šćedriwe dary

Towarstwo Cyrila a Metoda z.t. (TCM) chce ze swojej lětušej pomocnej akciju „Łužica pomha“ twar domu za cyrkwinski sobudźěłačerjow w Marksu a džěto rjadnicow w Albanskej podpěrać. Wobej projektaj buštej njedźelu, 11. nowembra, w Katolskim Posole nadrobnje předstajenej. TCM prosy wěriwych wo šćedriwe dary na konto Cyrill-Methodius-Verein, kontowe čisło 828 23 66, BLZ 750 90 300 pola banki LIGA pod hesłom „Łužica pomha“.

J. Špitank, předsyda TCM

Zetkanje samostejacych

Samostejacy ze serbskich wosadow su na zetkanje wutoru, 11. decembra, w 14 hodź. do Domu biskopa Bena w Smochćicach přeprašeni. Zajimcy njech so hač do wutory, 4. decembra, w redakciji Katolskeho Posoła přizjewja, telefonowe čisło (0 35 91) 55 02 12. Štóź chce wotewzaty być, njech to prošu zdžěli.

Hubertusowa Boža mša

W Radworju budže wutoru, 20. nowembra, we 18.30 hodź. Hubertusowa Boža mša z dujerjemi z Huskeje. Wšitcy su wutrobnje přeprašeni.

Zetkanje wobdźělnikow putnikowanja do Gdańska a Vilniusa

Wobdźělnicy putniskeje jězby do Gdańska a Vilniusa zetkaja so pjatk, 23. nowembra, po kemšach pola Šmitec w Radworju. Boža mša je we 18.30 hodź. Wšitcy putnicy su wutrobnje přeprašeni. *T. K.*

Chrysta Krala w Chrósćicach

Młodžina ze serbskich wosadow je na swjedženju Chrysta Krala, njedźelu, 25. nowembra, w 14 hodź. na nyšpor do Chrósćic přeprašena. Po tym je zarjadowanje na farje. Dalše so hišće wozjewi.

Kreatiwna džěłarnička

Na paslenje adwentneje pychi přeprošuje dekanatne dušepastyrstwo sobotu, 1. decembra, wot 13 do 17 hodź. młodostnych, maćerje a dalšich zajimcow do Don Boskoweho domu we Worklecach. Kóždy ma swój předžěłany material zapłaćić.

Změna předstajenja „Hdyž rentnarjo zapřimnu“

Serbska lajska džiwadłowa skupina Chrósćicy z.t. přeprošuje wšitkich zajimcow na přichodnej předstajeni kriminalneje komedije „Hdyž rentnarjo zapřimnu“. W Nowoslicach pola Dinarjec hraja lajscy džiwadźelnicy tutu njedźelu, 18. nowembra, w 16 hodź. Wot 15 hodź. poskićuja tam kofej a tykanc. Předstajenje w Šunowje pola Wowčerkec budže hižo džeń prjedy hač dotal wozjewjene – mjenujcy sobotu, 1. decembra, w 19.30 hodź.

Nowy serbski kinowy film

„Karla a Katrina“ rěka nowy serbskorěčnje synchronizowany swójbny film, kotryž wobjednawa temy kaž přećelstwo, přenju lubosc a swójbne žiwjenje. Rěčny centrum WITAJ zrealizowa projekt zhromadnje ze Sakskim wukubłanskim a wupruwowanskim kanalom (SAEK). Danski film je Lubina Hajduk-Veljkowićowa zeserbšćila. Wutrobnje přeprošuje rěčny centrum WITAJ wšitkich dorosćenych a džěći na serbske kinowe předstajenje wutoru, 20. nowembra, w 19 hodź. do Chrósćanskeje „Jednoty“. *MH*

Putniskej jězbje a serbskorěčne eksercicije tež klětu zaso

Lěpšeho dołhodobneho planowanja dla podam tu hižo terminy putniskeju jězbow a serbskich eksercicijow za lěto 2013: Putniska jězba do Eichsfelda budže wot pónđzele do srjedy, 3. do 5. junija. Přenocowanje je w Heiligenstadće planowane. Serbskorěčne eksercicije w Drježdžanskim domje Wysoke duby budu wot štwórtka, 10. oktobra, wječora hač do njedzele, 13. oktobra, připołdnja. Tydženska putniska jězba wot soboty do soboty, 19. do 26. oktobra, powjedže klětu do Tinje w Korutanskej (Awstriska). *T. Kubašec*